

Ո Ր Ո Շ ՈՒ Մ

Վարչական իրավախախտման գործով զանգառն առանց բավարարման, իսկ որոշումն անփոփոխ թողնելու մասին

22.06.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Էդգար Սիմոնյանի դիմումը, շուրջ ստեղծված նյութերը,

Պ Ա Ր Զ Ե Ց Ի

2018թ. մայիսի 24-ին Երևան քաղաքի, Դավիթաշեն 1-ն թղմ. 382. 29բն. բնակիչ Է.Սիմոնյանը դիմում է հասցեագրել այն մասին, որ համաձայն չէ իր նկատմամբ կայացված ԱԴ թիվ 578298 որոշման հետ, քանի որ ճՈ տեսուչը իրեն չի տեղեկացրել, որ կազմելու է արձանագրություն: Դիմումատուն հայտնել է նաև, որ ինքը ավտոմոբիլը վարել է չամրակապված վիճակում, սակայն տեսուչի զգուշացումից հետո տեղում ամրակապվել է: Քաղ.Է.Սիմոնյանը նշել է, որ փաստաթղթերը ստուգելուց հետո, տեսուչը մաղթել է բարի ճանապարհ, ինչը իրեն հիմք է տվել ենթադրելու, որ չի տուգանվել:

Դիմումի ուսումնասիրությամբ պարզվել է, որ 16.05.2018թ. ժամը 11.20-ին Երևան քաղաքի Ամիրյան փողոցում քաղ.Է.Սիմոնյանի կողմից վարած «Ֆորդ» մակնիշի 036 AM 61 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 4-րդ սպայական դասակի տեսուչներ, ոստիկանության կապիտան Է.Դավթյանի և ոստիկանության ավագ լեյտենանտ Կ.Հովասափյանի կողմից ճԵԱԱՄՕ-ի խախտման համար, այն է՝ վարորդն ավտոմոբիլը վարել է անվտանգության գոտին չամրակապած վիճակում: Վարորդի նկատմամբ կազմվել է վարչական իրավախախտման վերաբերյալ արձանագրություն և, համաձայն ՀՀ ՎԻՎ օրենսգրքի 123.3 հոդվածի, կայացվել է ԱԴ թիվ 578298 որոշումը՝ 5000 դրամ տուգանելու մասին:

Ըստ ծառայողների գրավոր բացատրությունների՝ Մաշտոցի պողոտայում նկատել են, որ իրենց հանդիպակաց երթևեկող «Ֆորդ» մակնիշի 036 AM 61 հաշվառման համարանիշի ավտոմոբիլի վարորդը երթևեկում է անվտանգության գոտիով չամրակապված վիճակում: Է.Դավթյանը և Կ.Հովասափյանը հայտնել են, որ Է.Սիմոնյանի կողմից թույլ տված իրավախախտումն եղել է իրենց տեսադաշտում և ակնհայտ: Սահմանված կարգով ավտոմոբիլը կանգնեցնելուց հետո, տեսուչ Կ.Հովասափյանը մոտեցել է վարորդին, ներկայացել, պարզաբանել իրավախախտման բնույթը և պահանջել է փաստաթղթերը: Վարորդն ընդունել է իր կողմից իրավախախտում թույլ տալու փաստը, սակայն ուղևորի հետ զրուցելուց հետո, հայտնել, որ այն արձանագրելու դեպքում ինքը կբողոքարկի: Համապատասխան արձանագրություն կազմելուց հետո, վարորդը հրաժարվել է ծանոթանալ արձանագրության բովանդակությանը և ստանալով միայն փաստաթղթերը՝ հեռացել:

Դիմումում նշված հանգամանքների շուրջ պարզաբանումներ տալու նպատակով քաղ. Է.Սիմոնյանը հրավիրվել է ճՈ, որտեղ իր գրավոր բացատրությամբ հայտնել է, որ դիմումին ավելացնելու ոչինչ չունի, խնդրել է դիմումը քննարկել, իսկ արդյունքների մասին հայտնել գրավոր:

Համաձայն «ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության

սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.է.Սիմոնյանի արարքում առկա է Վարչական իրավախախտումների վերաբերյալ ՀՀ օրենսգրքի 123.3 հոդվածով նախատեսված իրավախախտման գանգակազմը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Էդգար Սիմոնյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 4-րդ սպայական դասակի տեսուչ, ոստիկանության ավագ լեյտենանտ Կ.Հովասափյանի կազմած վարչական իրավախախտման վերաբերյալ արձանագրության հիման վրա 16.05.2018թ. կայացված ԱԴ թիվ 578298 որոշումը՝ Էդգար Սիմոնյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե.Կարապետյան

Կատարող՝ Գ.Մանասարյան
011-567944